

Huan Carta a'ntūn Tzo'kli San Judas

Judas cāmacā'ni'lh saludos huan a'nti ixtakalhlaka'i'

¹Quit Judas, ixtā'tin Jacobo. Lā' quit ictā'scuja Jesucristo. Quit iccātzo'knuni'mā'ni' huā'mā' carta hui'xina'n a'nti Dios cāta'sani'nī'ta'ni'. Dios quinTāta'ca'n cāpāxqui'yāni' hui'xina'n. Lā' Jesucristo cāmaktaka'lh mā'ni' hui'xina'n. ²Dios cacālakalhu'mani' hui'xina'n. Lā' cacāmātza'ta'tini'ni' mi'a'clhcunucca'n. Lā' lej cacāpāxqui'ni' hui'xina'n.

Makapitzin ixtamāsu'yu a'ntūn tū' stu'ncua'

2 Pedro 2.1-17

³Tā'timīn, xa'iccātzo'knuni'cu'tunāni' hui'xina'n ixpālacata a'nchī Dios cāmāputaxtūni' hui'xina'n lā' nā quina'n chuntza'. Lā' chuhualj a'nan lakatin catūhuā a'ntū más tasqui'nī na'iccāhuaniyāni'. Lā' ū'tza' iccālitzo'knuni'mā'ni' chuhualj. Iccāhuaniyāni' que tū' tikalhlaka'i'yā'tit a'ntūn tamāsu'yu xlaca'n a'ntin taxtāpālicu'tun huan limāasca'tin a'ntū kalhlaka'i'nī'tauj. Huā'mā' limāasca'tin ū'tza' a'ntū cālīmāmacū'lh ixtachi'xcuhui't

Dios lā' xmān maktin. Lā' tū' maktin catitaxtāpalilh huā'mā' limāasca'tin. ⁴Makapitzin tūn tū' tzeyā chi'xcuhui'n tatanūni't hua'chi lactzey chi'xcuhui'n na ixlaclhpu'nanca'n a'ntin takalhlaka'i'. Xlaca'n tahuan que como Dios lej lakalhu'mani'ni', chuntza' kalhatin tzē natlahua chuxatūyā talaclē'i' a'ntūn tlahuacu'tun. Huā'mā' tū' stu'ncua'. Lā' tū' stu'ncua' ixlimāasca'tinca'n ixpālacata huan Māpa'ksini' Jesucristo. Lejtza' makān tatzo'kni' na ixtachiui'n Dios que nacāmālaclē'nican huan tachi'xcuhui't a'ntin tatlahua chuntza'.

⁵A'yuj hui'xina'n ca'tziyā'tittza', na'iccāmāpāstaqui'yāni' a'ntū Dios tlahualh makāntza'. Dios cāmāxtulh huan israelitas nac huan xcānsipej a'nlhā huanican Egipto. Lā' ā'cālistān ā'makapitzin tū' takalhlaka'i'lh palh stu'ncua' a'ntū Dios hualh. Lā' ū'tza' Dios cālīmāknilh. ⁶Nā capāstactit huan ángeles. A'makapitzin de xlaca'n, como tū' tatlōkentaxtūcu'tulh a'ntū cālīmāmacū'lh Dios, xlaca'n tataxtulh de nac a'kapūn a'nlhā ixtahui'lāna'ncha'. Lā' ū'tza' Dios

cālichī'nī't a'nlhā cā'pucsua'
 hasta a'xni'ca' huan ā'xmān
 chī'chini' a'xni'ca' nacāmālaclē'nī
 Dios. ⁷Nā capāstactit a'ntūn
 cāpātē'keni'lh Sodoma lā' Gomorra
 lā' ā'makapitzin cā'lacchicni'
 a'ntū ixtahui'lāna' pajtzu. Nā
 xalanī'n nac huā' tamā'na
 cā'lacchicni', nā ixtatlahua a'ntūn
 tū' tzey. Ixtatlahua talākahlī'n. Lā'
 ixtalātā'tahui'la huan chī'xcuhuī'n.
 Lā' ū'tza' talinilh nac huan
 macscut a'ntū cāmāspūtūlh huā'
 tamā'na cā'lacchicni'. Chuntza'
 māchekxīcan que natapātini'n para
 pō'ktu nac cā'macscutnu' xlaça'n
 a'ntin talakapasa ixtej Dios pero
 tataxtutāyanī't.

⁸Nā chuntza' huā'
 tamā'na chī'xcuhuīn a'ntin
 cātāmāsu'ni'cu'tunāni' a'ntūn tū'
 stu'ncua'. Xlaça'n talakahuāna'n. Lā'
 tahuan palh Dios cālītā'chihuīna'n
 huan talakahuān. Lā' ū'tza'
 talipuhuan que tzē natatlahua
 talākahlī'n. Talakmaka'n
 ixlīmāpa'ksin Dios. Lā' cachihuā
 talichihuīna'n huan ángeles. ⁹Lā'
 nā nīn Miguel, a'nti xapuxcu'
 ángeles, nīn xla' tū' chuntza'
 tlhualh. A'xni'ca' xla' tā'lal
 huan ko'ti'ti' lā' talālista'lal
 ixmacni' Moisés, Miguel tū'
 lī'a'ksanīni'lh huan ko'ti'ti' por
 a'ntūn tū' tzey ixtachihuīn. Xmān
 huanilh: “Dios camāpātini'ni”. ¹⁰Lā'
 huā' tamā'na chī'xcuhuīn a'ntin
 cātāmāsu'ni'cu'tunāni' hui'xina'n,
 xlaça'n cachihuā talichihuīna'n
 a'ntūn tū' tamāchekxī. Xlaça'n
 hua'chi animales, como tū'
 tapāstaca Dios. Tatlahuakō'
 ixlihuāk huan tūn tū' tzey a'ntū

xlaça'n talacasqui'n. Lā' ū'tza'
 nacālīmāpātini' Dios.

¹¹Xlaça'n natapātini'n como
 talatlā'huan hua'chi Caín a'ntin
 tū' a'kahuāna'ni'cu'tulh Dios. Lā'
 talī'a'ca'a'n tatlahua a'ntūn tū'
 tzey como tatlajacu'tun tumīn.
 Lā' chuntza' tlhualh Balaam. Lā'
 nā xlaça'n lej lacxumpi hua'chi
 Coré. Xla' maknīca. Lā' nā xlaça'n
 nacāmāpātini'can. ¹²Limāxana'
 a'nchī cātātā'huā'yanāni' hui'xina'n
 a'nlhā takēstokni'ta'ntit hui'xina'n.
 Xlaça'n tzej tahuā'yancu'tun lā'
 tako'tcu'tun. Lā' tū' tapāstaca
 ā'makapitzin. Xlaça'n tuntū'
 ixtapalhca'n. Xlaça'n hua'chi
 poklhu' a'ntū lē'n huan ū'ni',
 lā' tū' lē'n xcān. Xlaça'n hua'chi
 huan qui'huī' a'ntūn tū' tamāstā'
 ixtō'ca'tca'n a'xni'ca' ixpūlan.
 Lā' como tascōhuani't ū'tza'
 cālītampu'lhucan. ¹³Xlaça'n hua'chi
 huan xasipej mar a'ntū lē'n huan
 pa'lhma'. Limāxana' a'ntū xlaça'n
 tatlahua. Xlaça'n hua'chi sta'cu
 a'ntūn tū'tza' a'mā' na ixtej. Dios
 nacāmāpātini' para pō'ktu a'nlhā lej
 cā'pucsua'.

¹⁴Makāntza' Enoc cālichiuhuīna'lh
 huan chī'xcuhuīn a'ntin tū' tzey.
 Lā' Enoc ixlikalhatojon ixuanī't
 i'xū'yātā'natna' Adán. Lā' Enoc
 hualh: “Huan Māpa'ksini' Dios
 namin lā' nacātā'min lakalhūhua'
 mil ángeles. ¹⁵Namin nacājuzgarli
 ixlihuākca'n huan tachi'xcuhuī't.
 Lā' nacāmālaclē'nikō' ixlihuākca'n
 a'ntin tū' lactzey por ixlihuāk
 a'ntūn tatlahuani't a'ntūn
 tū' tzey lā' nā a'nchī cachihuā
 talichihuīna'ni't Dios”. ¹⁶Huā'
 tamā'na chī'xcuhuīn talē'ksa'n

ā'makapitzin. Tū' lipāxūj
 tahui'lāna'. Tahui'lāna' chu a'nchī
 ixtapāstacna'ca'n a'ntūn tū' tzey.
 Lā' talika'tla'jca'tzī a'xni'ca'
 tachihiuina'n. Xa'nca tatā'chihuina'n
 ā'makapitzin xmān como xla'ca'n
 talacasqui'n tumīn.

**Cāmaxqui'ca tapāstacna'
 xla'ca'n a'nti ixtakahlaka'i'**

¹⁷Lā' hui'xina'n tā'timīn,
 capāstactit a'ntūn tualh xapū'la
 ixapóstoles quiMāpa'ksini'ca'n
 Jesucristo. ¹⁸Xla'ca'n tualh:
 “A'xni'ca' nasputa huan
 quilhtamacuj, natamin chi'xcuui'n
 a'nti natalilaktzī'n a'ntū i'xla'
 Dios. Lā' natalatahui'la chu
 a'nchī ixtapāstacna'ca'n a'ntūn
 tū' tzey”. ¹⁹U'tunu'n huā' tamā'na
 chi'xcuui'n a'ntin tamālacpitzī
 huan a'ntin takahlaka'i'. Lā'
 talatlā'huan chu a'nchī xmān
 ixtapuhuānca'n. Lā' tū' taka'lhī
 huan Espíritu Santo.

²⁰Lā' hui'xina'n tā'timīn,
 ā'chulā' xa'nca cakahlaka'i'tit
 huan Jesucristo chuntza' hua'chi
 Dios quincāmāsu'ni'ni'ta'ni'. Lā'
 cakalhtō'ka'tit con ixlīmāpa'ksin
 Espíritu Santo. ²¹Lā' calatahui'la'tit
 chu a'nchī Dios lacasqui'n, lā'
 chuntza' na'u'cxca'tziyā'tit a'nchī
 Dios cāpāxqui'yāni'. Caka'lhītit
 hasta que Jesucristo nacālē'nāni'
 nac a'kapūn a'nlhā natahui'layā'tit

para pō'ktu. Xla' natlahua huā'mā'
 como lej cālakalhu'manāni'.

²²Cacālakalhu'ma'ntit xla'ca'n
 a'ntin tapuhuamā'na que chō'la
 tū' stu'ncua' a'ntūn takahlaka'i'lh.
²³Lā' hui'xina'n cacāmāpūtaxtūtīt
 ā'makapitzin hua'chilh
 ixcāmā'xtūtīt de nac cā'macscutnu'.
 Lā' cacālakalhu'ma'ntit
 ā'makapitzin a'nti lej tatlahua
 talaclē'i'. Lā' cajicua'ntit tū'
 natlahua'yā'tit talaclē'i' hua'chi
 xla'ca'n. Hua'chilh tzē ixcāpasāni'
 ixtalaclē'i'ca'n xla'ca'n.

Māka'tli'ca Dios

²⁴Dios tzē nacāmaktāyayāni'
 hui'xina'n. Lā' chuntza' tū'
 catitlahua'tit talaclē'i'. Xla'
 nacālē'nāni' a'nlhā xla' hui'lacha'
 nac a'kapūn. A'ntza' lipāxūj
 nalatahui'la'yā'tit como
 tuntū' cati'a'nalh a'ntūn tzē
 nacātālī'a'ksa'nīni'nāni' hui'xina'n.
²⁵QuinDiosca'n xmān kalhatin
 Dios. Xla' quincāmāpūtaxtūyāni'
 como quiMāpa'ksini'ca'n
 Jesucristo nilh por quina'n. Lā' xla'
 camāka'tli'ca lā' ca'a'cnīni'ni'ca.
 Xla' cāmāpa'ksikō' i'xlihuāk.
 Lā' ixka'lhikō' i'xlihuāk huan
 limāpa'ksin a'xni'ca' tūna'j ixtzucu
 huan quilhtamacuj lā' ka'lhikō'cus
 chuhua'j lā' naka'lhikō' i'xlihuāk
 huan limāpa'ksin para pō'ktu.
 Amén.